



**ЎЗБЕКИСТОН РЕСПУБЛИКАСИ ҚИШЛОҚ ХЎЖАЛИГИ ВАЗИРЛИГИ
ХУЗУРИДАГИ ВЕТЕРИНАРИЯ ВА ЧОРВАЧИЛИКНИ РИВОЖЛАНТИРИШ
ҚЎМИТАСИНING
ҚАРОРИ**

Ўзбекистон Республикаси Қишлоқ хўжалиги вазирлиги хузуридаги Ветеринария ва чорвачиликни ривожлантириш қўмитаси фаолиятига тадбиркорлик субъектлари томонидан қонунбузарлик содир этилиши хавфидан келиб чиқиб, “хавфни таҳлил этиш” тизимини жорий этиш тартиби тўғрисида низомни тасдиқлаш ҳақида

Ўзбекистон Республикаси Президентининг “Тадбиркорлик субъектларининг ҳуқуқлари ва қонуний манфаатларини ҳимоя қилиш тизимини янада такомиллаштириш чора-тадбирлари тўғрисида” 2018 йил 27 июлдаги ПФ-5490-сон Фармони ва Вазирлар Маҳкамасининг 2022 йил 19 октябрдаги 611-сон қарори билан тасдиқланган Назорат қилувчи органларнинг “хавфни таҳлил этиш” тизимларига қўйиладиган минимал талабларга мувофиқ Ўзбекистон Республикаси Қишлоқ хўжалиги вазирлиги хузуридаги Ветеринария ва чорвачиликни ривожлантириш қўмитаси **қарор қилади:**

1. Ўзбекистон Республикаси Қишлоқ хўжалиги вазирлиги хузуридаги Ветеринария ва чорвачиликни ривожлантириш қўмитаси фаолиятига тадбиркорлик субъектлари томонидан қонунбузарлик содир этилиши хавфидан келиб чиқиб, текширувни ташаббус қилишни назарда тутувчи “хавфни таҳлил этиш” тизимини жорий этишнинг минимал талаблари тартиби тўғрисида низом иловага мувофиқ тасдиқлансин.

2. Мазкур қарор расмий эълон қилинган кундан эътиборан кучга кирилади.

Раис

Б. Норқобилов

Тошкент ш.,
2023 йил “27” 04 _____,
01/19-05 -сон



Ўзбекистон Республикаси Қишлоқ хўжалиги вазирлиги
хузуридаги Ветеринария ва чорвачиликни
ривожлантириш қўмитасининг
2023 йил “27” 04 даги
“0119-05”-сон қарорига
ИЛОВА

**Ўзбекистон Республикаси Қишлоқ хўжалиги вазирлиги хузуридаги Ветеринария ва чорвачиликни ривожлантириш қўмитаси фаолиятига тадбиркорлик субъектлари томонидан қонунбузарлик содир этилиши хавфидан келиб чиқиб, текширувни ташаббус қилишни назарда тутувчи “хавфни таҳлил этиш” тизимини жорий этишнинг минимал талаблари тартиби тўғрисида
НИЗОМ**

1-боб. Умумий қоидалар

1. Мазкур Низом Ўзбекистон Республикаси Қишлоқ хўжалиги вазирлиги хузуридаги Ветеринария ва чорвачиликни ривожлантириш қўмитаси (бундан буён матнда Қўмита деб юритилади) томонидан тадбиркорлик субъектларининг қонунни бузиш хавфи даражасидан келиб чиқиб, текширувни ташаббус қилишни назарда тутувчи “хавфни таҳлил этиш” жорий этиш ҳамда тадбиркорлик субъектлари томонидан қонунбузарлик содир этиш хавфи даражасида келиб чиқиб уларда текширувни ўтказиш ташаббуси билан чиқиш тартибини белгилайди.

2. Ушбу Низомда қуйидаги асосий тушунчалар қўлланилади:

ваколатли орган – Ўзбекистон Республикаси Президенти хузуридаги Тадбиркорлик субъектларининг ҳуқуқларини ва қонуний манфаатларини ҳимоя қилиш бўйича вакил;

ветеринария, ветеринария-санитария қоидалари ва нормалари – ветеринария соҳасидаги талабларни белгиловчи, давлат органлари ва бошқа органлар, юридик ва жисмоний шахслар риоя этиши шарт бўлган ҳужжатлар;

назорат қилувчи орган – Қўмита, Давлат чегараси ва транспортда давлат ветеринария назорати бошқармаси, Қорақалпоғистон Республикаси Ветеринария ва чорвачиликни ривожлантириш қўмитаси, вилоятлар ва Тошкент шаҳар ветеринария ва чорвачиликни ривожлантириш бошқармалари, туманлар (шаҳарлар) ветеринария ва чорвачиликни ривожлантириш бўлимлари;

тадбиркорлик субъектлари – белгиланган тартибда давлат рўйхатидан ўтган ҳамда тадбиркорлик фаолиятини амалга ошираётган юридик ва жисмоний шахслар;

текширув – тадбиркорлик субъектлари томонидан ўз фаолиятини тартибга солувчи ветеринария соҳасидаги қонун ва қонуности ҳужжатларига этилаётганлигини керакли материаллар, ҳужжатлар ёки уларнинг фаолиятига доир маълумотларни олиш ҳамда муайян ҳаракатларни амалга ошириш орқали ўтказиладиган назорат қилиш тадбири;

хавфлилик даражасининг тоифалари – тадбиркорлик фаолиятининг қонунбузарлик содир этиш хавфига кўра тоифаларга бўлиниши;

“хавфни таҳлил этиш” тизими – назорат қилувчи орган томонидан тегишли назорат соҳаси бўйича аниқ мезонларга асосланиб, тадбиркорлик субъекти томонидан ўз фаолиятида қонунчилик бузилиш хавфи даражасини аниқлаш механизми;

Қўмита тизим бўлинмалари – Давлат чегараси ва транспортда давлат ветеринария назорати бошқармаси, Республика ҳайвонлар касалликлари ташхиси ва озик-овқат маҳсулотлари хавфсизлиги давлат маркази, Ветеринария дори воситалари ва озукабоп қўшимчалар сифати ва муомаласи назорати бўйича давлат илмий маркази, Қорақалпоғистон Республикаси Ветеринария ва чорвачиликни ривожлантириш қўмитаси, вилоятлар ва Тошкент шаҳар ветеринария ва чорвачиликни ривожлантириш бошқармалари, туманлар (шаҳарлар) ветеринария ва чорвачиликни ривожлантириш бўлимлари.

3. Ушбу Низом назорат қилувчи органи томонидан тадбиркорлик субъектлари фаолиятида қонунбузарлик хавфини таҳлил этиш ҳамда таҳлил натижаси асосида тадбиркорлик субъектларида текширувни ўтказиш ташаббуси билан чиқиш учун ишлаб чиқилган.

4. Белгиланган “хавфни таҳлил этиш” тизими асосида аниқланган ҳуқуқбузарлик хавфи қай даражада бўлишидан қатъи назар, тадбиркорлик субъектига нисбатан таъсир чораларини қўллашга асос бўла олмайди.

5. Мазкур Низом талабларига зид бўлган “хавфни таҳлил этиш” тизими тадбиркорлик субъектида текширув ўтказиш ташаббуси билан чиқишга асос бўлмайди.

6. Тадбиркорлик субъектларида ўтказиладиган текширувлар назорат қилувчи органи томонидан ваколатли орган билан келишилган ҳолда ва ваколатли органни хабардор этиш тартибида ўтказилади.

2-боб. Хавф даражасини таҳлил қилишга доир умумий талаблар

7. Тадбиркорлик субъектининг қонун ва қонуности ҳужжатларини бузиш хавфи даражасини таҳлил қилиш жараёнида тадбиркорлик субъекти фаолиятини тўхтатиб туриш, унга тўсқинлик қилиш ёки фаолиятини амалга оширишга тўғридан-тўғри аралашини назарда тутувчи хатти-ҳаракатларни назорат қилувчи орган томонидан амалга оширилмайди.

8. Хавф даражасининг таҳлили қуйидаги маълумотларни ўрганиш асосида амалга оширилади:

маъмурий маълумотлар (лицензия, рухсат этувчи ва давлат органларида мавжуд бошқа ҳужжатлар, хабардор қилиш талаблари ҳамда шартлари риоя этилиши бўйича ҳужжатлар);

даврий статистика маълумотлари, жумладан, аввал ҳуқуқбузарлик ҳолатлари аниқланган тадбиркорлик субъектини умумлаштирувчи белгилар, хабарлар ва бошқа таҳлил натижалари;

юримдик ва жисмоний шахслардан келиб тушган мурожаатлар;

оммавий ахборот воситаларидан ёки бошқа ташқи манбалардан (ижтимоий тармоқлар, веб-сайтлар) олинган маълумотлар;

қонунчиликда тақиқланмаган бошқа манбалардан ва тадбиркорлик субъектининг одатий фаолиятига бевосита ёки билвосита таъсир кўрсатмаган ҳолда, давлат органлари ва бошқа ташкилотлардан олинishi мумкин бўлган бошқа маълумотлар.

9. Хавф даражаси таҳлили жараёнида тадбиркорлик субъектидан ҳужжатлар ва ахборотлар талаб қилинишига йўл қўйилмайди.

Шунингдек, хавф даражаси таҳлил қилиш 10 тадан кам бўлмаган тадбиркорлик субъектларида ўтказилиши керак.

10. Хавф даражаси таҳлили назорат қилувчи орган томонидан бир йилда камида бир маротаба амалга оширилиши лозим.

11. Хавф даражаси таҳлиллари Қўмита тизим бўлинмалари томонидан тегишлиги бўйича назорати остидаги ҳудуд миқёсида ўтказилиши мумкин.

12. Хавф даражаси таҳлили назорат қилувчи органнинг назорат ваколати доирасида фаолият кўрсатувчи тадбиркорлик субъектида ўтказилади.

Назорат қилувчи орган ва Қўмита тизим бўлинмаларининг назорат ваколатига кирмайдиган тадбиркорлик субъекти фаолиятларини таҳлил қилиш ва баҳолаш тақиқланади.

3-боб. Хавф даражалари таснифи ва уларни мезонлашга доир талаблар

13. Хавф даражасини баҳолаш ўрганиладиган маълумотлар асосида шакллантирилган кўрсаткичлар ва мезонларга тадбиркорлик субъекти фаолиятининг мувофиқлигини “балл” тизими асосида ушбу Низомга 1-иловага мувофиқ баҳолаш орқали амалга оширилади.

14. Хавф даражасини баҳолаш жараёни қуйидаги тартибда амалга оширилиши лозим:

мезонлар асосида суб-кўрсаткичларни баҳолаш, ҳар бир суб-кўрсаткич баҳосини белгилаш;

суб-кўрсаткичларнинг баҳосини умумлаштириш орқали ҳар бир асосий кўрсаткич баҳосини чиқариш;

ушбу Низомга 2-иловада асосий кўрсаткичлар баҳосини умумлаштириш орқали ҳар бир тадбиркорлик субъекти фаолиятида ҳуқуқбузарлик хавфи даражасининг умумий баллари аниқланади.

15. Амалга оширилган баҳолаш натижасида аниқланган хавф даражасининг умумий баллари асосида тадбиркорлик субъекти томонидан ҳуқуқбузарлик содир этиш хавфи қуйидаги уч хил тоифага таснифланади:

хавфи юқори – баҳолашдан ўтказилган 10 тадан кам бўлмаган тадбиркорлик субъектлари баллари умумий йиғиндисининг 20 фоиз қисмини ташкил этувчи энг юқори хавф даражаси балларига эга бўлган тадбиркорлик субъектлари;

хавфи ўртача – баҳоланган барча тадбиркорлик субъекти баллари умумий йиғиндисининг хавфи юқори бўлган 20 фоиз қисмини истисно этган ҳолда, 50 фоиз қисмини ташкил этувчи энг юқори хавф даражаси балларига эга бўлган тадбиркорлик субъектлари;

хавфи паст - баҳоланган тадбиркорлик субъектининг хавф даражаси баллари паст бўлган қолган тадбиркорлик субъектлари.

16. Қўмита тизим бўлинмалари томонидан амалга оширилган баҳолаш ишлари якуни бўйича ушбу Низомга 3-иловага мувофиқ ҳар бир тадбиркорлик субъекти учун хавф даражалари тўғрисидаги маълумотнома расмийлаштирилади.

4-боб. Таснифланган хавф даражалари доирасида амалга ошириладиган тадбирлар

17. Баҳолаш натижаларига мувофиқ ҳуқуқбузарлик хавфи юқори ва ўрта таснифидаги тадбиркорлик субъектида қонун бузилиш ҳолатларининг олдини олишга қаратилган профилактика тадбирлари ўтказилиши лозим.

18. Текширув ўтказишга ташаббус билан чиқиш фақат ҳуқуқбузарлик хавфи юқори таснифидаги тадбиркорлик субъекти доирасида профилактика тадбирлари ўтказилгандан сўнг ҳам ҳуқуқбузарлик содир этиш аломатлари ижобий томонга ўзгармаган ҳолатлардагина амалга оширилиши мумкин.

19. Ҳуқуқбузарлик содир этиш хавфи юқори таснифидаги тадбиркорлик субъектида профилактика тадбирларини ўтказмасдан ва уларнинг натижасини кутмасдан қуйидаги ҳолатлар доирасида тадбиркорлик субъектида текширув ўтказиш ташаббуси билан чиқиш мумкин:

инсон ҳаёти ва соғлиғига зарар етказилишининг юқори хавфи мавжуд бўлганда;

жамоат хавфсизлигига зарар етказиш хавфининг олдини олиш учун кечиктириб бўлмайдиган ҳолатлар;

атроф муҳитга жиддий зарар етказиши мумкин бўлган ҳолатлар аниқланганда;

жисмоний ва юридик шахслар, давлат органлари ва бошқа ташкилотларга моддий зарар етказилаётганлиги ҳолатлари аниқланганда;

текширувлар ўтказилишини назарда тутувчи Ўзбекистон Республикаси Олий Мажлиси, Ўзбекистон Республикаси Президенти, Ўзбекистон Республикаси Президенти Администрацияси ва Вазирлар Маҳкамасининг топшириқлари мавжуд бўлганда;

қонунчиликда назарда тутилган бошқа ҳолатларда.

20. Ҳуқуқбузарлик содир этиш хавфи ўртача таснифидаги тадбиркорлик субъектида қонун бузилиши ҳолатларига йўл қўймасликка қаратилган профилактика тадбирларини ўтказиш шарт. Кейинги давр учун баҳолаш натижаларига кўра, тадбиркорлик субъекти фаолиятини баҳолаш натижасида салбий ўзгариш кузатилганда, тадбиркорлик субъекти фаолиятини текшириш бўйича ташаббуси билан чиқиш мумкин.

21. Ҳуқуқбузарлик содир этиш хавфи паст таснифидаги тадбиркорлик субъекти фаолиятига ҳар қандай аралашувларга йўл қўйилмайди.

22. “Хавфни таҳлил этиш” тизими, ҳуқуқбузарлик содир этиш хавфи даражасидан қатъи назар, тадбиркорлик субъекти фаолиятида ўтказиладиган барча текширувларни “Ягона давлат назорати” ахборот тизимида рўйхатдан ўтказиш орқали ваколатли орган билан келишилган ёки хабардор этган ҳолда ўтказилади.

23. Тадбиркорлик субъектида текшириш ўтказилгандан кейин ушбу тадбиркорлик субъектининг хавфни таҳлил қилиш тизимига асосан баҳоланган баллар йиғиндиси янгиланади.

Қонун бузилиши ҳолатларига йўл қўймасликка қаратилган профилактика тадбирлари ўтказилгандан сўнг ҳуқуқбузарлик содир этиш аломатлари бартараф этилиб, бу ҳақида назорат қилувчи орган хабардор қилинганда, ушбу тадбиркорлик субъектининг камчилигининг бартараф қилинган қисми бўйича баллари янгиланади.

VI. Яқуний қоидалар

24. Ушбу Низом Ўзбекистон Республикаси Президенти ҳузуридаги Тадбиркорлик субъектларининг ҳуқуқлари ва қонуний манфаатларини ҳимоя қилиш бўйича вакил ва Ўзбекистон Республикаси Савдо-саноат палатаси билан келишилган.

25. Назорат қилувчи органида “Хавфни таҳлил этиш” тизимининг жорий этилишида шахсан ушбу органнинг раҳбари жавобгар ҳисобланади.

26. Назорат қилувчи органнинг масъул ходимлари мазкур Низом талабларига риоя этиши, текшириш муносабати билан ўзига маълум бўлган тижорат сири, хизмат сири ва қонун билан қўриқланадиган бошқа сирлар, шунингдек, ошкор этилмайдиган ахборотлар муҳофаза қилинишини таъминлаши шарт. Масъул ходимлар ўз ваколатлари ва назорат соҳасидан ташқари масалалар бўйича ҳар қандай текшириш ўтказилмаслиги учун жавобгардир.

Ушбу Низом талабларининг бузилишида айбдор бўлган шахслар қонунчилик ҳужжатларига мувофиқ жавобгар бўладилар.

27. Тадбиркорлик субъектлари фаолиятига қонун ва қонуности ҳужжатлари талабларига зид равишда аралашганлик ва тўсқинлик қилганлик, уларнинг фаолиятини асоссиз тўхтатиб қўйганлик учун тадбиркорлик субъектларга етказилган зарар бевосита айбдорлардан ундирилади.

Ўзбекистон Республикаси
Президенти ҳузуридаги тадбиркорлик
субъектларининг ҳуқуқлари ва қонуний
манфаатларини ҳимоя қилиш бўйича вакил

2023 йил “ 24 ” 04



Д. Касимов

Ўзбекистон Республикаси
Савдо-саноат палатаси раиси

2023 йил “ 27 ” 04



Д. Ваҳобов

Ўзбекистон Республикаси Қишлоқ хўжалиги вазирлиги
хузуридаги Ветеринария ва чорвачиликни ривожлантириш
қўмитаси фаолиятига тадбиркорлик субъектлари томонидан
конунбузарлик содир этилиши хавфидан келиб чиқиб,
текширувни ташаббус қилишни назарда тутувчи “хавфни
таҳлил этиш” тизимини жорий этишнинг минимал
талаблари тартиби тўғрисида низомга
1 - илова

**Тадбиркорлик субъектларининг ветеринария соҳасидаги қонун ва қонуности
хужжатларига оид ҳуқуқбузарлик содир этиш хавфини
БАҲОЛАШ МЕЗОНЛАРИ**

Т/р	Баҳолаш кўрсаткичлари ва мезонлари	Балл
1.	Ҳайвонларнинг юқумли касалликларининг кўзгатувчилари аниқланганда:	100
1.1.	ҳайвонларга ветеринария хизмати кўрсатишни ташкил этилмаганлиги оқибатида;	20
1.2.	биноларни ҳамда ҳайвонларни сақлаш учун мўлжалланган бошқа иншоотларни ветеринария, ветеринария-санитария қоидалари ва нормаларига номувофик фойдаланиш оқибатида;	20
1.3.	ҳайвонларни парваришlashда ветеринария, ветеринария-санитария қоидалари ва нормаларига риоя этмаслик оқибатида;	20
1.4.	ҳайвонлар, келиб чиқиши ҳайвонотга мансуб маҳсулот ва хом ашёларни ветеринария, ветеринария-санитария қоидалари ва нормаларига риоя этмасдан реализация қилиш оқибатида;	20
1.5.	ҳайвонларнинг тўсатдан нобуд бўлганлиги ёки ғайриодатий хатти-ҳаракати фактлари тўғрисида мазкур ҳудудга хизмат кўрсатувчи давлат ветеринария хизматига ўз вақтида хабар бермаганлиги оқибатида;	20
2.	Ҳайвонларнинг юқумли касалликлари бўйича ўрнатилган карантин ёки чеклов тадбирлари бузилганда:	100
2.1.	ҳайвонларга ветеринария хизмати кўрсатишни ташкил этилмаганлиги оқибатида;	20
2.2.	биноларни ҳамда ҳайвонларни сақлаш учун мўлжалланган бошқа иншоотларни ветеринария, ветеринария-санитария қоидалари ва нормаларига номувофик фойдаланиш оқибатида;	20
2.3.	ҳайвонларни парваришlashда ветеринария, ветеринария-санитария қоидалари ва нормаларига риоя этмаслик оқибатида;	20
2.4.	ҳайвонлар, келиб чиқиши ҳайвонотга мансуб маҳсулот ва хом ашёларни ветеринария, ветеринария-санитария қоидалари ва нормаларига риоя этмасдан реализация қилиш оқибатида;	20
2.5.	ҳайвонларнинг тўсатдан нобуд бўлганлиги ёки ғайриодатий хатти-ҳаракати фактлари тўғрисида мазкур ҳудудга хизмат кўрсатувчи давлат ветеринария хизматига ўз вақтида хабар бермаганлиги оқибатида;	20
3.	Ҳайвонларнинг импортида ёки экспортида ҳайвонларнинг карантин тадбирлари бузилганда:	100
3.1.	ҳайвонларга ветеринария хизмати кўрсатишни ташкил этилмаганлиги оқибатида;	20
3.2.	биноларни ҳамда ҳайвонларни сақлаш учун мўлжалланган бошқа иншоотларни ветеринария, ветеринария-санитария қоидалари ва нормаларига номувофик	20

Т/р	Баҳолаш кўрсаткичлари ва мезонлари	Балл
	фойдаланиш оқибатида;	
3.3.	хайвонларни парваришlashда ветеринария, ветеринария-санитария қоидалари ва нормаларига риоя этмаслик оқибатида;	20
3.4.	хайвонлар, келиб чиқиши хайвонотга мансуб маҳсулот ва хом ашёларни ветеринария, ветеринария-санитария қоидалари ва нормаларига риоя этмасдан реализация қилиш оқибатида;	20
3.5.	хайвонларнинг тўсатдан нобуд бўлганлиги ёки ғайриодатий хатти-ҳаракати фактлари тўғрисида мазкур ҳудудга хизмат кўрсатувчи давлат ветеринария хизматига ўз вақтида хабар бермаганлиги оқибатида;	20
4.	Касалликларга чалинган хайвонлар аниқланган ҳолларда, ушбу хайвонларни сўйиш ёки йўқ қилиб ташлаш тўғрисида мажбурий бўлган кўрсатма бажарилмаганда:	100
4.1.	мажбурий кўрсатма бўйича хайвонларни сўйилмаганда;	20
4.2.	мажбурий кўрсатма бўйича сўйилган танадан фойдаланилмаганда;	20
4.3.	мажбурий кўрсатма бўйича хайвонларни йўқ қилиб ташланмаганда;	20
4.4.	хайвонларни сўйиш тўғрисида мажбурий кўрсатма бажарилганлиги тўғрисида ёлғон ахборот берилганда;	20
4.5.	хайвонларни йўқ қилиб ташлаш тўғрисида мажбурий кўрсатма бажарилганлиги тўғрисида ёлғон ахборот берилганда;	20
5.	Истеъмолга яроқсиз деб топилган, келиб чиқиши хайвонотга мансуб маҳсулот ва хом ашёни йўқ қилиб ташлаш, қайта ишлаш ёки ушбу маҳсулот ва хом ашёдан ўзгача тарзда фойдаланиш тўғрисида мажбурий бўлган кўрсатма бажарилмаганда:	100
5.1.	истеъмолга яроқсиз деб топилган, келиб чиқиши хайвонотга мансуб маҳсулот йўқ қилиб ташлаш тўғрисида мажбурий бўлган кўрсатма бажарилмаганда;	20
5.2.	истеъмолга яроқсиз деб топилган, келиб чиқиши хайвонотга мансуб маҳсулот қайта ишлаш тўғрисида мажбурий бўлган кўрсатма бажарилмаганда;	20
5.3.	истеъмолга яроқсиз деб топилган, келиб чиқиши хайвонотга мансуб маҳсулотдан ўзгача тарзда фойдаланиш тўғрисида мажбурий бўлган кўрсатма бажарилмаганда;	10
5.4.	истеъмолга яроқсиз деб топилган, келиб чиқиши хайвонотга мансуб хом ашёни йўқ қилиб ташлаш тўғрисида мажбурий бўлган кўрсатма бажарилмаганда;	20
5.5.	истеъмолга яроқсиз деб топилган, келиб чиқиши хайвонотга мансуб хом ашёни қайта ишлаш тўғрисида мажбурий бўлган кўрсатма бажарилмаганда;	20
5.6.	истеъмолга яроқсиз деб топилган, келиб чиқиши хайвонотга мансуб хом ашёдан ўзгача тарзда фойдаланиш тўғрисида мажбурий бўлган кўрсатма бажарилмаганда;	10
6.	Ветеринария фаолиятини амалга оширишда лицензия талаблари ва шартларига риоя этилмаганда:	100
6.1.	тегишли қонун ва қонуности ҳужжатларига, ветеринария, ветеринария-санитария қоидалари ва нормалари талабларига риоя этилмаганда;	10
6.2.	ветеринария фаолиятининг турлари бўйича руҳсат берилмаган манзилдаги бинода (хоналарда) амалга оширилганда;	10
6.3.	юримдик шахс штатида олий ёки ўрта махсус маълумотга ва ветеринария соҳасида махсус тайёргарликка эга бўлган ветеринария мутахассислари мавжуд бўлмаганда;	5
6.4.	юримдик шахс ходимларининг, ветеринария фаолиятини амалга оширувчи якка тартибдаги тадбиркорларнинг камида 5 йилда бир марта малака оширилмаганда;	5

Т/р	Баҳолаш кўрсаткичлари ва мезонлари	Балл
6.5.	ветеринария фаолиятининг рухсат берилмаган турни амалга оширилганда;	10
6.6.	давлат рўйхатидан ўтказилмаган ветеринария дори воситалари ва озуқабоп қўшимчаларни ишлаб чиқарганда ёки реализация қилинганда;	10
6.7.	Ўзбекистон Республикасида рухсат берилмаган диагностика усуллари ва ветеринария препаратларини қўллаганда;	10
6.8.	ветеринария лаборатория-диагностика ишларини амалга оширишга белгиланган талабларга риоя этилмаганда;	5
6.9.	ветеринария препаратлари, шу жумладан, ветеринария мақсадлари учун доривор воситалар, биологик препаратлар, озуқа қўшимчалари ва зоогигиена воситаларини сотиш учун бинога (хонага) белгиланган талабларга риоя этилмаганда;	5
6.10.	ветеринария препаратлари, шу жумладан, ветеринария мақсадлари учун доривор воситалар, озуқа қўшимчалари ва зоогигиена воситаларини ишлаб чиқариш ва тайёрлашга белгиланган талабларга риоя этилмаганда;	5
6.11.	биологик препаратларни ишлаб чиқариш ва тайёрлаш фаолиятига белгиланган талабларга риоя этилмаганда;	10
6.12.	ветеринария препаратлари, шу жумладан, ветеринария мақсадлари учун доривор воситалар, биологик препаратлар, озуқа қўшимчалари ва зоогигиена воситаларини ташишда ветеринария, ветеринария-санитария қоидалари ва нормаларига риоя этилмаганда;	5
6.13.	ветеринария препаратлари, шу жумладан, ветеринария мақсадлари учун доривор воситалар, биологик препаратлар, озуқа қўшимчалари ва зоогигиена воситаларини реализациясида ветеринария, ветеринария-санитария қоидалари ва нормаларига риоя этилмаганда;	5
6.14.	ветеринария препаратлари, шу жумладан, ветеринария мақсадлари учун доривор воситалар, биологик препаратлар, озуқа қўшимчалари ва зоогигиена воситаларини ҳисобга олиш, ҳисобдан чиқариш ва сақлаш тартибига риоя этилмаганда;	5
7.	Ихтисослашган сўйиш корхонаси ветеринария, ветеринария-санитария қоидалари ва нормаларига риоя этилмаганда:	75
7.1.	ихтисослашган сўйиш корхонасига рухсат берилмаган манзилдаги бинода (хоналарда) амалга оширилганда;	15
7.2.	ихтисослашган сўйиш корхонасига рухсат берилмаган турни амалга оширилганда;	15
7.3.	тегишли қонун ва қонуности ҳужжатларига, ветеринария, ветеринария-санитария қоидалари ва нормалари талабларига риоя этилмаганда;	20
7.4.	ишлаб чиқариш назоратини ҳудудий давлат ветеринария хизматлари билан келишилмаганда;	10
7.5.	ишлаб чиқариш назорати бўйича ветеринария, ветеринария-санитария қоидалари ва нормалари жиҳатидан ташкил этилмаганда;	15
8.	Ҳайвонотга мансуб маҳсулотлар ҳамда хомашёни ишлаб чиқариш, сақлаш ва сотиш билан шуғулланувчи субъектлар фаолиятининг ветеринария, ветеринария-санитария қоидалари ва нормаларига риоя этилмаганда:	80
8.1.	ихтисослашган сўйиш корхонасига рухсат берилмаган манзилдаги бинода (хоналарда) амалга оширилганда;	15
8.2.	ихтисослашган сўйиш корхонасига рухсат берилмаган турни амалга оширилганда;	15
8.3.	тегишли қонун ва қонуности ҳужжатларига, ветеринария, ветеринария-	15

Т/р	Баҳолаш кўрсаткичлари ва мезонлари	Балл
	санитария қоидалари ва нормалари талабларига риоя этилмаганда;	
8.4.	ишлаб чиқариш назоратини ҳудудий давлат ветеринария хизматлари билан келишилмаганда;	10
8.5.	ишлаб чиқариш назорати бўйича ветеринария, ветеринария-санитария қоидалари ва нормалари жиҳатидан ташкил этилмаганда;	10
8.6.	ҳайвонотга мансуб маҳсулотлар ҳамда хомашёларни ташишда ветеринария, ветеринария-санитария қоидалари ва нормаларига мувофиқ риоя этилмаганда;	5
8.7.	ҳайвонотга мансуб маҳсулотлар ҳамда хомашёларни улгуржи ҳамда чакана савдосида ветеринария, ветеринария-санитария қоидалари ва нормаларига мувофиқ риоя этилмаганда;	5
8.8.	ҳайвонотга мансуб маҳсулотлар ҳамда хомашёларни (сут ва гўштдан ташқари) белгиланмаган жойларда савдосида;	5
9.	Давлат ветеринария хизматининг назорати остидаги товарларни экспорт қилиш учун рухсат этиш хусусиятига эга ҳужжатларнинг талаблари ва шартларига риоя этилмаганда:	100
9.1.	экспорт қилинаётган назоратдаги товарларнинг сақланиши бўйича импорт қилувчи мамлакатнинг белгиланган ветеринария қоидалари ва нормаларига мувофиқ бўлмаганда;	20
9.2.	экспорт қилинаётган назоратдаги товарларнинг ишлаб чиқарилиши бўйича импорт қилувчи мамлакатнинг белгиланган ветеринария қоидалари ва нормаларига мувофиқ бўлмаганда;	20
9.3.	экспорт қилинаётган назоратдаги товарларнинг қайта ишланиши бўйича импорт қилувчи мамлакатнинг белгиланган ветеринария қоидалари ва нормаларига мувофиқ бўлмаганда;	20
9.4.	импорт қилувчи корхона талабларига экспорт қилувчи корхонанинг ҳолати ёки назоратдаги товарлари мувофиқ бўлмаганда;	10
9.5.	экспорт қилинадиган назоратдаги товарлар ҳажмининг қайд этилган корхоналарда ишлаб чиқариш қувватига номувофиқлиги аниқланганда;	10
9.6.	назоратдаги товарларни экспорт қилишда тегишли қонун ва қонуности ҳужжатларига, ветеринария, ветеринария-санитария қоидалари ва нормалари талабларига риоя этилмаганда;	20
10.	Давлат ветеринария хизматининг назорати остидаги товарларни импорт қилиш учун рухсат этиш хусусиятига эга ҳужжатларнинг талаблари ва шартларига риоя этилмаганда:	70
10.1.	экспорт қилувчи мамлакатнинг назоратдаги товарларида белгиланган тартибда тақиқланган кимёвий ёки биологик моддалар мавжудлиги аниқланганда;	20
10.2.	импорт қилувчи томонидан тақдим этилаётган назоратдаги товарларнинг сақланиши, ишлаб чиқарилиши, қайта ишланиши бўйича ташкилотларнинг ветеринария-санитария ҳолати белгиланган ветеринария қоидалари ва нормаларига мувофиқ эмаслиги аниқланганда;	10
10.3.	импорт қилинадиган назоратдаги товарлар ҳажмининг қайд этилган корхоналар ишлаб чиқариш, қайта ишлаш қувватига номувофиқлиги аниқланганда;	10
10.4.	маҳсулот етиштирувчи ва ишлаб чиқарувчи давлатларга нисбатан тақиқ (чеклов) ўрнатилганлиги аниқланганда;	10
10.5.	Ўзбекистон Республикаси ҳудудига олиб кириладиган назоратдаги товарларни ишлаб чиқарадиган, қайта ишлайдиган ва сақлайдиган экспорт қилувчи ташкилотлар ва шахслар (хорижий экспорт қилувчилар) реестрига экспорт қилувчи ташкилотлар ва шахслар киритилмаганда;	10

Т/р	Баҳолаш кўрсаткичлари ва мезонлари	Балл
10.6.	назоратдаги товарларни импорт қилишда тегишли қонун ва қонуности ҳужжатларига, ветеринария, ветеринария-санитария қоидалари ва нормалари талабларига риоя этилмаганда;	10
11.	Давлат ветеринария хизматининг назорати остидаги товарларни транзит қилиш учун рухсат этиш хусусиятига эга ҳужжатларнинг талаблари ва шартларига риоя этилмаганда:	100
11.1.	транзит қилинадиган назоратдаги товарларни давлат чегарасидаги белгиланмаган чегара ва транспорт ветеринария пункти орқали транзити бошланганда;	20
11.2.	транзит қилинадиган назоратдаги товарлар ҳажми кузатув ҳужжатларига номувофиқлиги аниқланганда;	20
11.3.	ишлаб чиқарувчи давлатларга нисбатан тақиқ (чеклов) ўрнатилганлиги аниқланганда;	20
11.4.	транзит қилинадиган назоратдаги товарларни давлат чегарасидаги белгиланмаган чегара ва транспорт ветеринария пункти орқали транзити яқунланганда;	20
11.5.	назоратдаги товарларни транзит қилишда тегишли қонун ва қонуности ҳужжатларига, ветеринария, ветеринария-санитария қоидалари ва нормалари талабларига риоя этилмаганда;	20
12.	Маҳаллий ва импорт қилинадиган ветеринария дори воситалари ҳамда озуқабоп қўшимчаларни рўйхатдан ўтказилганлиги тўғрисидаги гувоҳноманинг талаблари ва шартларига риоя этилмаганда:	100
12.1.	тегишли қонун ва қонуности ҳужжатларига, ветеринария, ветеринария-санитария қоидалари ва нормалари талабларига, шунингдек, меъёрий-техник ҳужжатларига риоя этилмаганда;	20
12.2.	маҳаллий ветеринария дори воситалари ёки озуқабоп қўшимчалар белгиланган шартларига мувофиқ бўлмаган ҳолда ишлаб чиқарилганда;	20
12.3.	импорт қилинадиган ветеринария дори воситалари ёки озуқабоп қўшимчалар белгиланган шартларига мувофиқ бўлмаган ҳолда келтирилганда;	20
12.4.	ветеринария дори воситалари ёки озуқабоп қўшимчаларнинг самарадорлиги, хавфсизлиги, сифат кўрсаткичларига нисбатан мувофиқ бўлмаганлиги аниқланганда;	20
12.5.	биологик хавфсизликни таъминлаш бўйича қонун ва қонуности ҳужжатларига, ветеринария, ветеринария-санитария қоидалари ва нормалари талабларига, шунингдек, меъёрий-техник ҳужжатларига риоя этилмаганда;	20
13.	Ҳайвонларда юқумли касаллик борлиги хусусида шубҳа мавжуд бўлган тақдирда бу ҳақда давлат ветеринария хизматига зудлик билан хабар қилинмаганда, шунингдек, касаллик доираси кенгайиб кетмаслиги юзасидан барча зарур чора-тадбирларни кўрилмаганда:	100
13.1.	ҳайвонларда юқумли касаллик борлиги хусусида давлат ветеринария хизматига зудлик билан хабар қилинмаганда;	20
13.2.	ҳайвонларда юқумли касаллик доираси кенгайиб кетмаслиги юзасидан барча зарур чора-тадбирларни кўрилмаганда;	20
13.3.	биноларда ва бошқа объектларда дезинфекция, дезинсекция, дератизацияни ўз вақтида ўтказилмаганда;	20
13.4.	ҳайвонларни юқумли касалликлардан муҳофаза этиш бўйича тегишли карантин тадбирлари ва бошқа ветеринария тадбирлари ўтказилишини таъминланмаганда;	20
13.5.	тўлиқ ҳажмда даволаш-профилактика ишловлари ўтказилишини	20

Т/р	Баҳолаш кўрсаткичлари ва мезонлари	Балл
	таъминламаганда;	
14.	Ҳайвонларни сақлашда, реализациясида ветеринария, ветеринария-санитария қоидалари ва нормалари жиҳатидан таъминланмаганда:	100
14.1.	объектларни қуриш ва реконструкция қилиш, шунингдек ер қозиш ишлари учун давлат ветеринария хизматидан ветеринария экспертизаси ўтказилмаганда;	5
14.2.	объектларга давлат ветеринария хизматидан ветеринария-санитария хулосасини олинмаганда;	5
14.3.	ҳайвонлар сақлашда ветеринария, ветеринария-санитария қоидалари ва нормаларига мос келадиган объектларда фойдаланилмаганда;	10
14.4.	ҳайвонлар сақлайдиган объектларида дезинфекция, дезинсекция, дератизация тадбирларини ўз вақтида, шунингдек, ушбу тадбирлардан олдинги ва кейинги лаборатория текширувларни ўтказилмаганда;	5
14.5.	ҳайвонлар сақлайдиган объектларга кириш чиқишида ходимлар учун дезинфекция гилам ва транспорт воситалари учун дезинфекция тўсиқлар, шунингдек, уларни эритмалар билан таъминланмаганда ёки ҳайвонлар сақлайдиган объектларининг кириш чиқишида бегона шахсларнинг ва транспорт воситаларининг кириб чиқиши бўйича назорат ўрнатилмаганда;	5
14.6.	ҳайвонлар касалликларига ташхис қўйиш, озуқаларнинг, шунингдек чорвачилик объектларида ичимлик сувининг сифатини баҳолаш бўйича лаборатория текширувлари ҳамда бошқа текширувлар ўтказилмаганда;	5
14.7.	ҳайвонларга тегишли бўлган ветеринария ва бошқа ҳужжатларининг кирими ва чиқими ёки ушбу ҳужжатларни ички ҳаракати бўйича юритилмаганда;	10
14.8.	ҳайвонларни идентификация (<i>жисмоний ва юридик шахслар томонидан асраб, кўпайтириладиган (боқиладиган) қорамоллар, қўй ва эчкилар, чўчқалар, отлар, эшаклар ва туялар, итлар ва мушуклар</i>) қилиш, уларни ҳисобга олиш, ҳисобдан чиқариш ва сақлаш тартибига риоя этилмаганда;	5
14.9.	ҳайвонларни сақлаш ёки реализация қилишда ветеринария, ветеринария-санитария қоидалари ва нормаларига риоя этилмаганда;	5
14.10.	нобуд бўлган ҳайвонлар учун лаборатория экспертизаси ўтказилмаганда, экспертиза натижасига асосан зарарсизлантилмаганда ва бу борада амалга оширилган ишлар юзасидан ҳужжатларни юритилмаганда;	5
14.11.	озуқани ветеринария, ветеринария-санитария қоидалари ва нормаларига мувофиқ сақланмаганда;	5
14.12.	ҳайвонларнинг юқумли касалликлари тарқалишининг олдини олиш ҳамда уларнинг тугатилишини таъминловчи чора-тадбирлар ўтказилмаганда ёки давлат ветеринария хизматида эпизоотик вазиятни аниқлаш учун зарур бўлган ахборот тақдим этилмаганда (<i>эпизоотияга қарши тадбирларни ҳудудий туманлар (шаҳарлар) ветеринария ва чорвачиликни ривожлантириши бўлимлари билан келишмаганда, ушбу тадбирлар ва даволаш, ветеринария-санитария тадбирларини ўтказиш ва бу борада ҳисоботлар ва ахборотлар тақдим этилмаганда</i>);	5
14.13.	ҳайвонларни юқумли касалликлардан муҳофаза этиш бўйича тегишли карантин тадбирлари ва бошқа ветеринария тадбирлари ёки тўлиқ ҳажмда даволаш-профилактика ишловлари ўтказилмаганда;	10
14.14.	рўйхатдан ўтказилган ва қўлланмасига мувофиқ ветеринария дори воситаларини ва озуқабоп қўшимчаларини ҳайвонларга қўлланилмаганда;	5
14.15.	ҳайвонларнинг ичимлик суви, ҳайвонлар сақланадиган ҳудуднинг ҳаво ва тупроқ намуналарини текширтирилмаганда;	10
14.16.	ветеринария, ветеринария-санитария қоидалари ва нормаларига мувофиқ ҳосил бўлган патологик материал ва биологик чиқиндиларни белгиланган тартибда	5

Т/р	Баҳолаш кўрсаткичлари ва мезонлари	Балл
	зарарсизлантилмаганда;	
15.	Келиб чиқиши ҳайвонотга мансуб маҳсулот ва хом ашёларни ишлаб чиқариш, қайта ишлаш, сақлашда, реализациясида ветеринария, ветеринария-санитария қоидалари ва нормалари жиҳатидан таъминланмаганда:	100
15.1.	объектларни қуриш ва реконструкция қилиш, шунингдек ер қозиш ишлари учун давлат ветеринария хизматидан ветеринария экспертизаси ўтказилмаганда;	5
15.2.	объектларга давлат ветеринария хизматидан ветеринария-санитария хулосасини олинмаганда;	5
15.3.	озиқ-овқат маҳсулотлар хавфсизлигини таъминлаш юзасидан ветеринария, ветеринария-санитария қоидалари ва нормаларга риоя этиш бўйича ишлаб чиқариш назоратини белгиланган тартибда тегишли туманлар (шаҳарлар) ветеринария ва чорвачиликни ривожлантириш бўлимлари билан келишилмаганда ҳамда ишлаб чиқариш назоратини бажарилишини таъминланмаганда;	5
15.4.	ишлов беришда ёки қадоқлашда ветеринария, ветеринария-санитария қоидалари ва нормаларига мос келадиган объектларда фойдаланилмаганда;	10
15.5.	ветеринария хизматларини кўрсатиш ишларини ташкил этилмаганда;	5
15.6.	объектларда дезинфекция, дезинсекция, дератизация тадбирларини ўз вақтида, шунингдек, ушбу тадбирлардан олдинги ва кейинги лаборатория текширувларни ўтказилмаганда;	5
15.7.	объектларга кириш чиқишида ходимлар учун дезинфекция гилам ва транспорт воситалари учун дезинфекция тўсиқлар, шунингдек, уларни эритмалар билан таъминланмаганда ёки ҳайвонлар сақлайдиган объектларнинг кириш чиқишида бегона шахсларнинг ва транспорт воситаларнинг кириб чиқиши бўйича назорат ўрнатилмаганда;	5
15.8.	ҳайвонлар касалликларига ташхис қўйиш, озуқаларнинг, шунингдек чорвачилик объектларида ичимлик сувининг сифатини баҳолаш бўйича лаборатория текширувлари ҳамда бошқа текширувлар ўтказилмаганда;	5
15.9.	ҳайвонларга ва маҳсулотларга ҳамда хом ашёларга тегишли бўлган ветеринария ва бошқа ҳужжатларнинг кирими ва чиқими ёки ушбу ҳужжатларни ички ҳаракати бўйича юритилмаганда;	5
15.10.	ҳайвонларни идентификация (<i>жисмоний ва юридик шахслар томонидан асраб, кўпайтириладиган (боқилладиган) қорамоллар, қўй ва эчкилар, чўчқалар, отлар, эшаклар ва туялар, итлар ва мушуклар</i>) қилиш, уларни ҳисобга олиш, ҳисобдан чиқариш ва сақлаш тартибига риоя этилмаганда;	5
15.11.	сўйиладиган ҳайвонларни сўйишдан олдинги ва сўйилгандан кейинги ветеринария кўригидан ўтказилмаганда ёки бу борада тегишли ветеринария ҳисобини юритилмаганда;	5
15.12.	маҳсулотларга ҳамда хом ашёларни ишлаб чиқариш, қайта ишлаш, сақлашда, реализацияси ёки ташишда ветеринария, ветеринария-санитария қоидалари ва нормаларига риоя этилмаганда;	5
15.13.	маҳсулотларга ҳамда хом ашёларни ветеринария, ветеринария-санитария қоидалари ва нормалари жиҳатидан хавфсизлиги бўйича лабораториялардан текширувлар ўтказилмаганда;	5
15.14.	нобуд бўлган ҳайвонлар учун лаборатория экспертизаси ўтказилмаганда, экспертиза натижасига асосан зарарсизлантилмаганда ва бу борада амалга	5

Т/р	Баҳолаш кўрсаткичлари ва мезонлари	Балл
	оширилган ишлар юзасидан ҳужжатларни юритилмаганда;	
15.15.	озуқани ветеринария, ветеринария-санитария қоидалари ва нормаларига мувофиқ сақланмаганда;	5
15.16.	ҳайвонларни юқумли касалликлардан муҳофаза этиш бўйича тегишли карантин тадбирлари ва бошқа ветеринария тадбирлари ёки тўлиқ ҳажмда даволаш-профилактика ишловлари ўтказилмаганда;	10
15.17.	рўйхатдан ўтказилган ва қўлланмасига мувофиқ ветеринария дори воситаларини ва озуқабоп қўшимчаларини ҳайвонларга қўлланилмаганда;	5
15.18.	ветеринария, ветеринария-санитария қоидалари ва нормаларига мувофиқ ҳосил бўлган патологик материал ва биологик чиқиндиларни белгиланган тартибда зарарсизлантирилмаганда;	5
16.	Ветеринария тадбирлари учун қўлланиладиган микроорганизмлар ва вируслар штаммлари, ҳайвонот ва ўсимликларга мансуб токсинлар ҳамда заҳарларни сақлаш, ишлатиш тартибига риоя этилмаганда:	100
16.1.	микроорганизмлар ва вируслар штаммлари, ҳайвонот ва ўсимликларга мансуб токсинлар ҳамда заҳарларни ҳисобга олиш бўйича ветеринария, ветеринария-санитария қоидалари ва нормаларига риоя этилмаганда;	20
16.2.	микроорганизмлар ва вируслар штаммлари, ҳайвонот ва ўсимликларга мансуб токсинлар ҳамда заҳарларни ҳисобдан чиқариш бўйича ветеринария, ветеринария-санитария қоидалари ва нормаларига риоя этилмаганда;	20
16.3.	микроорганизмлар ва вируслар штаммлари, ҳайвонот ва ўсимликларга мансуб токсинлар ҳамда заҳарларни сақлаш бўйича ветеринария, ветеринария-санитария қоидалари ва нормаларига риоя этилмаганда;	20
16.4.	микроорганизмлар ва вируслар штаммлари, ҳайвонот ва ўсимликларга мансуб токсинлар ҳамда заҳарларни ишлатиш бўйича ветеринария, ветеринария-санитария қоидалари ва нормаларига риоя этилмаганда;	20
16.5.	микроорганизмлар ва вируслар штаммлари, ҳайвонот ва ўсимликларга мансуб токсинлар ҳамда заҳарларни бир ташкилотдан бошқа ташкилотларга бериш бўйича ветеринария, ветеринария-санитария қоидалари ва нормаларига риоя этилмаганда;	20

Ўзбекистон Республикаси Қишлоқ хўжалиги вазирлиги
хузуридаги Ветеринария ва чорвачиликни ривожлантириш
қўмитаси фаолиятига тадбиркорлик субъектлари томонидан
қонунбузарлик содир этилиши хавфидан келиб чиқиб,
текширувни ташаббус қилишни назарда тутувчи “хавфни
таҳлил этиш” тизимини жорий этишнинг минимал талаблари
тартиби тўғрисида низомга
3 - илова

**Ўзбекистон Республикаси Қишлоқ хўжалиги вазирлиги хузуридаги Ветеринария
ва чорвачиликни ривожлантириш қўмитаси ва унинг тизимидаги ходимлари
томонидан “хавфни таҳлил этиш” тизимига киритилган тадбиркорлик
субъектлари хавф даражалари тўғрисидаги
МАЪЛУМОТНОМА**

_____ ХОДИМИ _____
(Қўмита ёки унинг тизимидаги бўлинма номи) (Ф.И.О)

томонидан “Ўзбекистон Республикаси Қишлоқ хўжалиги вазирлиги хузуридаги
Ветеринария ва чорвачиликни ривожлантириш қўмитаси фаолиятига тадбиркорлик
субъектлари томонидан қонунбузарлик содир этилиши хавфидан келиб чиқиб, текширувни
ташаббус қилишни назарда тутувчи “хавфни таҳлил этиш” тизимини жорий этишнинг
минимал талаблари тартиби тўғрисида низом”га асосан

_____ (тадбиркорлик субъекти номи ва СТИР рақами)

тадбиркорлик субъектида қонунчилик бузилиши хавфи таҳлили ўтказилди.
Мазкур Низомнинг 2-бобига мувофиқ тадбиркорлик субъекти фаолиятида
хуқуқбузарлик аломатлари ҳақида хабар берувчи баҳолаш мезонлари бўйича ўтказилган
таҳлил натижасига кўра тадбиркорлик субъекти _____

_____ (тўпланган балл кўрсатилади)

баллик кўрсаткичига эга бўлди.

Ўтказилган таҳлил натижасида _____

_____ (талаблари бузилган норматив хужжатлар кўрсатилади)

норматив хужжатлар талабларига риоя қилинмаганлиги аниқланди.

Баҳолаш натижаларига мувофиқ хуқуқбузарлик хавфи юқори таснифидаги
тадбиркорлик субъектида қонун бузилиш ҳолатларининг олдини олишга қаратилган
профилактика тадбирлари ўтказилди.

_____ да

_____ (тадбиркорлик субъекти номи ва СТИР рақами)

профилактика тадбирлари ўтказилгандан сўнг ҳам хуқуқбузарлик содир этиш аломатлари
ижобий томонга ўзгармаганлигини инобатга олган ҳолда мазкур тадбиркорлик субъектида
текшириш ўтказилиши мақсадга мувофиқ деб ҳисоблайман.

Малумот учун:

Мазкур Низомнинг 19-бандида келтирилган ҳолатлар мавжуд бўлганда юқоридаги
банд қуйидаги таҳрирда киритилади.

_____ “да

_____ (тадбиркорлик субъекти номи ва СТИР рақами)

мазкур Низомнинг 19-бандида келтирилган ҳолатлар (ҳолат номи ва қисқача таснифи келтирилади) мавжуд бўлганлиги сабабли профилактика тадбирлари ўтказмасдан ва уларнинг натижасини кутмасдан мазкур тадбиркорлик субъектида текшириш ўтказилиши мақсадга мувофиқ деб ҳисоблайман.”

Таҳлил ўтказган ходим
(Лавозими)

имзо

Ф.И.О.

сана